



Claudii Fleurii Abbatis Historia Ecclesiastica

Ab anno Christi 1725. usque ad annum 1728

Fleury, Claude

August. Vind. [u.a.], 1784

VD18 13322648

§. 41. Scriptorum Ecclesiasticorum opera & decessus.

[urn:nbn:de:hbz:466:1-67667](https://nbn-resolving.de/urn:nbn:de:hbz:466:1-67667)

Sæc. XVIII. unicus Principis Frisiæ Orientalis, Joan.
A. C. 1725. nes Emanuel Pachæco Acunæ Du-
de Escalone olim in Catalaunia, Ara-
gonia, Neapolitano & Siculo Regio
Pro - Rex, ac denique Friderica Au-
gusta Schwarzenburgica Princeps.

§. XLI.

*Scriptorum Ecclesiasticorum opera
& decessus.*

*Elog. du
R. P. de
S. Marth.*

Non pauci ex Scriptoribus Ecclesi-
sticis hoc anno in mortis prædam
cessere. Hos inter primo loco recen-
sendus venit Dionysius San - Martha-
nus Prior Generalis Congregationis Be-
neditinæ S. Mauri: Hic Parisiis An-
no 1650. natus, ac decimo octavo æ-
tatis anno S. Benedicti institutum pro-
fessus, insigni pietate, doctrina, &
prudentia præclarum sibi nomen com-
paravit, splendidissimum Ordinis fa-
decus, ac lumen. Nulli pepercit la-
bore, ut suos Religiosos eo permoveret,
ut Constitutionem *Unigenitus* sincero re-
ciperent animo: Nec penitus inanis e-
rat ejus labor, ipse enim suo exemplo
horum plusquam quadraginta induxit,
ut sequenti formulæ secum subscribe-
rent: *Nos subscripti, acceptis Roma lit-
ris intelleximus, summum Pontificem Bo-
natum XIII. post P. P. Clementem XI.*

& Innocentium XIII. Prædecessores suos declarasse, quod Bulla Unigenitus nullatenus evertat gratiam ex se efficacem, nec aduersetur doctrinæ SS. Augustini & Thomæ, illum quoque viva voce declarasse, quod dicta Constitutio in nullo capite a Regulis morum & disciplinæ aut a dogmate a S. Carolo fidelibus, approbante S. Sede, tradito recedat, eapropter declaramus, nos Bullam Unigenitus libentissime ea, qua pars est obedientia, & in sensu, in quo summus Pontifex Benedictus XIII. eam declarat, recipi vult, & recipit, & nos recipere. Ita censemus, ac ita docere paratus sumus. Facta hac subscriptione dignissimus hic Vir paulopost trigesima Martii animam suam Deo reddidit. Ferunt, ipsum decepsisse ex mærore inde concepto, quod suam Congregationem per Breve Pontificium Sacræ Sedi plene reconciliatam videre non potuerit. Ut ut de hoc fit, id omnino certum est, quod hic Præpositus in urgenda hac subscriptione adeo non defecerit, ut etiam a suorum quibusdam excessisse arguatur. Ceterum insignis erat pauperum Patronus, quibus non raro quicquid charum habebat, imo vestes quoque suas a corpore detractas elargiebatur, adeo ut cuidam mendico, cum cetera deessent, numisma aureum, quod sibi a Papa donatum erat, erogaret.

Sæc. XVIII.

A.C. 1723.

P 3

Porro

Sæc. XVIII A. C. 1725

Porro ex ingenii sui monumentis, quæ posteritati reliquit, commendantur præcipue ejus tractatus de Confessione auriculari contra Calvinistarum, præfertim Dallæi errores, Responsum ad querelas Protestantium ob existimatam persecutionem in Galliis, Discursus circa Angliæ invasionem a Principe Arausico tentatam: Plures Epistole ad Abbatem de la Trappe, oratio funebris in exequiis Bethuniæ Abbatisse, Vita Cassiodori unacum compendio Historiæ illorum Principum, quibus Cassiodorus sua servitia impendit. Historia S. Gregorii Magni. Reflexiones in Epistolam Germani Abbatis circa editionem tomî ultimi operum S. Augustini: Epistola cujusdam Doctoris Sorbonici circa reflexiones ejusdam Theologi contra Benedictinos, & Opera omnia S. Gregorii M. recens edita, denique operam suam contulit ad primos quatuor tomos Galliæ Christianæ auctæ & emendatæ. Adscribitur etiam eidem epistola ad Abbatem de la Trappe, & collectio quarumdam literarum circa epistolas ad eundem Abbatem scriptas. II. Carolus Ruæus Jesuita, qui præter sermones panegyricos, funerales, quadragesimales, Adventuales, aliasque orationes Sacras etiam edidit Libros IV.

Cat.

carmen & tragœdiarum necnon Vir-
gilium in usum Delphini; vixit annos
octoginta duos mortuus die 27. Maij.

Sæc.XVIII.
A.C. 1725.

III. Caspar Feuille Ord. S. Dominici,
qui scripsit Theologiam intellectus &
Cordis. IV. Franciscus Gacon Pres-
byter Oratorii, qui vulgavit *Poetam*
sine fuso, satyram contra Bossuetum,
Homerum vindicatum, fabulas de la
Mothe, annotationes in Anacreontem
&c. V. Julianus Garnier Benedicti-
nus, qui primos duos tomos Operum
S. Basilii in lucem emisit, quam ele-
gantissimam editionem Prudentius Ma-
ran complevit. VI. Franciscus de
Choisi Bajocensis Ecclesiæ Decanus,
qui elucubravit quatuor Dialogos de
immortalitate animæ, de existentia
& providentia Dei, Historiam Eccle-
siasticam, & Historiam itineris ad Sia-
mense Regnum, ad cuius Regem una-
cum Equite Chaumontio alegatus e-
rat. VII. Ludovicus Doucin Jesuita,
qui posteris reliquit Historiam Nesto-
rianismi, & Origenismi, seu turba-
rum, quæ in Ecclesia ob Originem,
ejusque doctrinam exortæ sunt. VIII.
Jacob Echard Dominicanus, qui duos
tomos Scriptorum sui Ordinis concin-
nabat. IX. Zacharias a S. Joanne
Baptista Carmelita Excalceatus, qui
scripsit dissertationes Theologicas de

P 4 Deo,

Sæc. XVIII. Deo, ejusque attributis, de Augustini
 A.C. 1725. doctrina contra Pelagianos, & de Gra-
 tia Christi, de motibus voluntatis &
 vera libertate contra Jansenium, de
 schismatibus Orientalibus præcipue de
 Armenis. de Primatu summi Pontifi-
 cis & ejus auctoritate circa fidei con-
 troversias, tractatum de usura, disser-
 tationem de Bulla Sabbatina, & cur-
 sum integrum Theologiæ moralis. X.
Cheubinus a S. Joseph ejusdem Insti-
 tuti Scriptor celeberrimus & lingua-
 rum orientalium, ac Rabinicarum tradi-
 tionum notitia insignis qui Bibliothecam
 Criticam Sacram circa omnes ferme
Sacrorum librorum difficultates qua-
 tuor majoris molis voluminibus com-
 prehensam præolo commisit, eamque
 Clementi XI. Pontifici nuncupavit,
 alios adhuc octo ejusdem Bibliothecæ
 tomos editurus, nisi Bruxellensi urbe
 a Fœderatorum copiis occupata in Pro-
 vinciam suam Aquitanam remeare com-
 pulsus fuisset, non sine magno rei lite-
 rariæ detimento, cum Burdigalæ de-
 essent Typographi, qui aut caracteres
 Hebraicos haberent, aut in iis edendis
 exercitati essent; cumque ætas proiecta
 aliorum transmigrare non permetteret,
 sequentium octo voluminum editio præ-
 pedita fuit. Auctor tamen aliud opus
 ad omnium captum magis accommo-
 dum

dum publicis juris fecit, sub titulo *Sæc. XVIII.*
summa Criticæ Sacræ, cuius novem *A. C. 1725.*
 tomi Burgidalæ prodierunt. Edidit
 quoque plura Theologica de scientia
 Dei, de Divinorum decretorum effi-
 cacia & prædestinatione, de summo
 Pontifice, de Pœnitentia, de Missa,
 Eucharistia, Communione & liturgiis.
 His accedit Physica, & plura alia de
 Geometria, Astronomia, Optica, Mu-
 sica, Geographia, Arithmetica, nec-
 non de Rubricis tum Missæ tum Divini
 Officii, præter alia miscellanea, quæ
 omnia ab eo exarata in Burdigalensi
 Carmelitarum Excalceatorum Con-
 ventu asservantur.

§. XLII.

Scriptores Acatholici hoc anno de- functi, eorumque opera.

Inter Scriptores Acatholicos, qui hoc
 anno decesse, celebriores sunt.
 I. Paulus de Rapin de Thoyras ex il-
 lustrisima familia ortus, qui scripsit
 Historiam Angliæ decem voluminibus,
 necnon dissertationem de Wighs &
 Torrys præter excerpta ex Anglicis
 actis Rymeri: Pater Niceron hunc
 Scriptorem valde commendat, ex eo,
 quod a partium studio alienissimus fuisset.
 II. Martinus Chladenius, qui edi-

P 5

dit